



Broj predmeta: 13-001384/21
Broj akta: 01.1-1413EK-0033/21
Datum, 22.10.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka e) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom komisije za javne nabavke broj:13-001384/21 od 4.10.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za lotove 8 i 9 iz provedenog postupka za nabavku radova izgradnje hidrotehničkih objekata po lotovima od lot 1 do lot 9 za potrebe Odjeljenja za komunalne poslove Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-001384/21 od 17.6.2021. godine, Obavještenja o nabavci na portalu javnih nabavki broj: 1157-1-3-386-3-384/21 od 23.7.2021. godine, predmjera radova u vezi sa Tenderskom dokumentacijom broj: 13-001384/21, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2), tačka e) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljene sedam ponuda, sljedećih ponuđača: „Santovac“ d.o.o. Brčko, „PGN“ d.o.o. Brčko, Grupa ponuđača „Dejokop“ d.o.o. Bok i „Borhtechnik“ d.o.o. Brčko, „Balegem“ d.o.o. Gradačac, „Hidromont“ d.o.o. Srebrenik, „Papilon“ d.o.o. Čelić i „Gradnja – Cop“ d.o.o. Brčko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim i ponude prihvatljivim.

Izvršena je računaska kontrola i ustanovljeno je da postoji računaska greška u ponudi ponuđača „Santovac“ d.o.o. Brčko na lotu 6, u ponudi ponuđača „Papilon“ d.o.o. Čelić na lotovima 1,2,4,5 i 7 i u ponudi ponuđača „Gradnja Cop“ d.o.o. Brčko na lotovima 2, 3, 5 i 7 koji su dostavili saglasnost za ispravku. Na lotovima 1, 5 i 6 je utvrđeno postojanje neprirodno niske cijene pa je zahtijevano od ponuđača „Santovac“ d.o.o. Brčko dostavljanje pojašnjenja neprirodno niske cijene ponuda. Ponuđač nije dostavio pojašnjenje te je ponuda za njegove lotove ocijenjena kao neprihvatljiva.

Nakon izvršene e-aukcije došlo je smanjenja cijena u odnosu na cijene sa otvaranja ponuda. Iznosi najpovoljnijih ponuda za lotovima 1,3,5,6 8 i 9 su bili veći od procijenjene vrijednosti nabavke te je zahtijevano od Odjeljenja za komunalne poslove da se izjasni o postojanju dodatnih sredstava.

Odjeljenje se izjasnilo da postoje sredstva za lotove 1,3,5 i 6 dok za lotove 8 i 9 nema dodatnih sredstava te je neophodno poništiti postupak nabavke za navedene lotove. Komisija za nabavke je dostavila preporuku o poništenju postupka izbora najpovoljnijih ponuđača za lotove 8 i 9.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za komunalne poslove,
3. Gradonačelniku,
4. Zamjeniku gradonačelnika
5. Službenom glasniku Brčko distrikta BiH“
6. Arhivi.

